

# ХАЛЬМГ ТЕЕГИН ӨР ШИНДЖЛЛГЭН

Иджл голас болн буурл көк тенг-гсас эклэд, Ставрополин бөөртгә, Прикумин тиньгр тег күртл наладж хальмг тег үзгднә. Газрин зөөр шинд-жләнчирт — геологудт, үнәр келхлә, терүнә дотркн медгддо, бат оньста цө авдр гидж нерәддж болхмн.

Хальмгин күчн-чидлин делгрлтин тускар, терүнәс үлү газриннь зөөрин тускар, хаана ямтир, соньмедж, оньган өгдго бәасмн. Зугл, географин болн газрин көрснә геологическ бәадлин тускар медхин төлә зөрмг шинд-жләнчир болн номтир неджәдәр, онц-онц кемд хальмг теегүр ирдг бәасмн. Улгүрн, Барбот-де-Марни—олнд мед-гддг газр төгәләч болн шинджләч, ыдавсн зун джилин джирдгч джилмү-дәр Хальмгур ирәд, Маныч-Гудило усна системин эргидк газрин көрснә тускар номинәр түрүн болдж бичсн болдг. Туудж бичгдәд уга цагт, Азо-во-Черноморск бассейниг Каспийлә негдүлджәсн ики кезәнк эн усна сис-тем эргидкиг төгәлдж тер йовсмн.

1884 — 1885 джилмүдт әмтнд темдгтә геолог И. М. Мушкетов Халь-мгин теегт шинджлгь кесмн. Хойр джилин эргид дүннәдк күцәсн көдл-шиннь ашарн, теегин көрснә геоло-гическ бәадлин туск голлгч төринь тер темдгллә.

1906 джил географмуд А. Н. Димо болн Б. А. Келлер Хальмг теегт шин-джлгь кесмн. Климатин, газрин ре-льефин кев-янзин, терүнә бүрдлгнә туск төрмүдиг тедн тодрхагьар хәлә-смн. Газрин монцхр кесг олн зо ягьдк бүрдсинь болн Ергенинск эл-снә бәадлин тедн медсмн. Мөсн уул-лин цагт хальмг теегин ик зунь мө-сәр бүркәтә бәадж.

1907 — 1909 джилмүдт геолог А. Д. Архангельскийин, Хальмгин теегт күцәсн геологическ көдлмш—ик чинртә көдлмш болдж тоолгднә.

Тер, революцин урд хальмг тег ягьдк шинджлгдджәсн тууджиг үзү-лджәнә.

Зугл Алдр Октябрин хөөн хальмг-ин теегин мел ганцхн көрснә бәатхә,

нам Хальмгин газрин зөөринь, теднә кемжән, нег үлү нефть болн газ шинджлгн зурагьар улм урмдтагь-ар эклдж кегдсмн. Советск правите-льств Хальмгур шинджләнчириг не-джәдәр биш, күчтә оборудованьсар, көлгәр, материалмудар теткдсн кесг олн баг геологудиг йовулна.

Ф. Ф. Голынец гардсн, «Грознефть» трестин геологическ баг, 1929 джи-ләс авн эклэд, 1934 джил күртл тас-лвр угагьар, өргнәр шинджлгнә көдлмш күцәлә. Приманыческ дор газрт, Ергень эргнд болн Хар газрт геологическ батта сән шинджлгь тедн кесмн.

Хальмг у тег, келхд, хаалгьата, эс гидж энгдән эн газр өргн болн зузан бүркәсәр бүркәтә, тегәд зөө-ринь газрин көрсн деер гарм бәарн уга, тер учрар хәадж олхд дегд кү-чр, тегәдчн геологическ шинджлгь кехд дегд джаньгьрта. Газрин зөөри-нь илдкдк, лавта бәахинь медчкад, терүнә кемжәгьинь меддг биший. Тер зөөрдн күрхин кергт, ик гүүн-әр, ташр деерн гарар бургьуддг

бәасмн. Тер — күн цуцрдж, муурк күнд көдлмш бәасмн.

Геологудт геофизикүд нөкд болв. Газр дор бәах уулин породсин күндин чидлин болн электро тәвл-гьинь меддгәс иштәгьәр, геологиче-ск көдлмшлә зерглдж, шишлнь при-бормудар гравиметрическ болн элек-тронетрическ гидж нерәддг көдлмш кегдв. Геофизик А. Н. Степановин гардврта тер көдлмш күцәгдлә.

Тер цаг, дакад, тиигхд Хальмгин теегт көдлжәсн гоотснь уханднь сангддж орад, геологическ шиндждж хәалгьнд орлчачирин негнь иигдж келнә:

«Сүүдрт 50 градус халун болв. Альд болвчн нег чигн ургьдях мо-дн уга. Төгәлнәгдән, нүднә харанд үзгдм дүнгә газрт Шиль гидг газ-рин үүрмг элсн үзгднә. Мадн эврәннь багин күцәсн көдлмшиг негдүлдк диглх биләвди. Савд бәасн усн чилв. Ачлгьта мөри хойр өдрәс нааран ус-лгдәд уга. Өөрхн гисн хурд күртл 20 — 30 километр. Зугл маниг джирлгн дахв. Арә гидж, асхн ши-др бидн хурдур ирүвди.

Бүлән, дарста усн, ямаран әмтә-

хн, цогц сергәгч ундн болдж меддсн болхв!»

Приманыческ нуурмуд эргидк га-зрин өр хәагьачириг бөкүн түрәсмн. Саг гидг ургьмлар бүркдсн, көл уга хорджнурс күн унад үкм дүнгә аамшгән үзүлдг билә. Халь-мг гериннь, малин хошиннь өөр ца-гьан седкләрн, эврәннь геологудан тосад, занди мет хальмг цәагьәри тоодж, газрин зөөр хәадж йовхин тускар теднә келсиг соньмдтагьар мал өскәчнр-хальмгуд соньсдг бәа-смн. Тер зөөр цаг ирвәс медддг бо-лв. Состинск болн Можарск нуурму-уд эргидк артизианск скважинст бәасн шатдг газ түрүн болдж илдкд-смн. Ик-Буурлас 50 километрт бәах Шар-Булг гидг газрт нефтьтә, газта ормс бас илдкдсн болдг.

1932 джил Шар-Булг гидг газрт лавта зөөр бәах зәнгәс иштәгьәр, «Грознефть» трест гүүндән 1251 метрт скважин бургьудсмн. Тер ца-гинәр болхла, тер скважин ик гидг гүүнәр бургьудлгн бәасмн. Болв, газ чигн нефть чигн олдсмн биш. Хөөннь, 1934 джил, геолог Ф. П. Пантелеев газ болн нефть гарлгьнд таал уга газрт бургьудддг гидж: тодлсмн. Бичкн таслвртагьар 1940 джил Хальмгин теегин зөөр хәагч көдлмшиг Пантелеев кесмн.

Геологическ удаң цагин эргид хальмг теегин газр кесг дакдк тенг-сәр бүркддк гидж, газрин зөөрин үлдлмүдәс иштәгьәр, геологуд тем-дгль. Тенгсмүдин йоралсар уулин породсла хамдан элвг органическ: вещества үлдлмүд хурдж. Номтир И. М. Губинә, А. Д. Архангельскийин болн нань чигн улсин көдлмшәс, кислород күрдго ик гүүнд бәах, те-нъгсин үлдлмүд халуна болн йирт-мджин нань чигн катлизатормудин нилчәр нефтьд болн газд хүврдгн манд медднә.

Газрин өр дегд олн зүсн, газр до-рк цогмс, судлмуд, бөөргс болдж медднә. Нам зәрм газрмударн өргн ик цоорхас илдкдв. Голлгч тектони-ческ элементс болгч — Маныческ дора газр болн Ремонтнас эклэд, Элст Адыкар дәврәд, урдан кесг зун километр кегьад, иджл голин белүр ирдг газр дорк урсхл темдглдв. Урд цагт академик А. П. Карпинский, тер урсхл бәәнә гидж таадж келлә, те-гәдчн тер терүнә нерәр нерәддсн.

Артезианск кесг олн скважинә болн булгудин уснд газ бәах, угань шиндждлсмн. Шар-Булг гидг газрт, совхозмудин бургьудсн артезианск скважинә болн булгин уснд газ бәа-хнь меддсн. Артезианск скважин-сәр шатдг углеводородн газ бәәнә гидж темдглдсн болдг. Тер шинд-ждж хәләгдсн газд 30 — 89 про-цент метан бәадж. Санзырь гидг газрт, өдртән 1086 кубометр гардг хагсу газ олдгдсн болдг.

Газ болн нефть хәасн геологуд эврәннь тооцандан иигдж бичсн бо-лдг.

«Шишлнь газ хәадж йовтл биш, ус хәадж йовтл, газ бәахнь медд-смн. Зәрмдән газ гархлань, ус хәа-дж олгьнд харшлтан күргджәнә гидж тоолдг бәасмн. Ус хәадж бургьудлгнә көдлмш күцәсн олн зүсн организацст, газ болн нефть хәалгьнә эклц көдлмш күцәлгнә зокалмуднь уга бәасмн, тегәд гарсн газнь шиндждлгдго чигн бәасмн, яма-ран ик газ бәахнь тоолддго чигн бәасмн биш».

Тер багьар күцәгдсн көдлмшин аш, Хальмгин теегин өрд ямаран ик газ болн нефть бәахинь, иргдән тер зөөр агьу ик чинртәгьинь сәа-нәр илдкджәнә. 1940 джил күртл Хальмгин теегин зөөр шиндждж хәасн көдлмшиннь ашан бичсн геоло-ог Ф. П. Пантелеев, «Геологическое строение и газоносность Южных Ергеней» гидг дегтрән иигдж бичдж-әнә:

«Илдкдсн тоотс багь болдг болв чигн, эн районд газ болн нефть бәәнә гидж лавтагьар келх зөвтәвди. Манд меддсн тоотс багь болдг учрнь — геологическ шиндждлгнә көдлмш багьар кегдсмн, дакад, түрүн болдж гүүнәр бургьудсн скважинс эв уга газрмудар бургьуддсн».

Төрскән харсгч дән Хальмгин теегт нефть болн газ хәалгьнә көдлмшиг цааранднь кехиг эвдв. Нефть болн газ хәалгьнә көдлмш хальмг теегт 1949 джил дакн эклдж кегдсмн.

Ода кегдджәх көдлмшин тускар хөөннь бичсн статьядан бичнәвди.

**В. ЛАРИН,**

Ставропольск совнархозин нефтин, газин, химийин болн горнорудн про-мышленностин управленә начальник.  
**Н. БЕЛОВ.**

Управленә ах геолог.